

Shu phah Whatsapp
ne Phone ha une
u Number
8794745117

❖ Ki Classified Advertisement
❖ Ki Display Advertisement

Ban pynmih ha ka Kotkhubor
Sa siew Online Payment

Mawphor

Khabor Khasi Ba Man Ka Sngi Ba Nyngkong

READINGTON Restaurant
Bed & Breakfast

Mawlai Mawjong Rim
Shillong, Meghalaya

81320 00254 / 93781 87148
/87875 66272

VOL. XXXVII (37) NO. 106 RNI REGD. NO. 70648/99 SHILLONG - 20 IAIONG (APRIL) LAH SNGI U BLEI (MONDAY) 2026 mawphor.com Postal Regn. No. NE - 851. 5/- TYNGKA

Iathuh ba u President u dang bteng ban shah thngan na Hospital

Nga dang khlain, ong u Secretary ka GTF hadien arsnigi ba shah thngan ha madan Malki

Shillong, Iaiong 19 : U General Secretary jong ka Green Tech Foundation, u Ritre Sungoh ha ka sngi U Blei u la pynpaw ba haduh mynta u dang sngew shait sngewkhlain wat hadien ba ka jingshah thngan jong u ka la ia'id palat 48 kynta.

U Ritre u la bteng ia ka jingshah thngan hadien ba ia u President ka kynhun la ialam noh sha jaka sumar na ka daw ka jing ktah ha ka koit ka khiah namar ka jingshah thngan kaba la ia'id sha ka sngi kaba 9.

Ha ka jingiakren bad ki lad pathai khabor, u Ritre u la



U General Secretary jong ka Green Tech Foundation uba dang kren ia u President shwa ban rah sha hospital.

iathuh ba ki doktor naduh mynstep haduh jammiet ki wan ban peit bniah ia ka koit ka khiah jong u. "Ka jingkoit jingkhiah jongnga ka biang watla ka don khyndiat ka jingtyrkhang ha ka met," u la ong.

Nangta u ong ruh ba ka jinglah jong u ban bteng kadei

Ym don jingleh shilliang khmat wat lada jop MLA da kiba don ha Liang Pyrshah ruh

Ka sorkar MDA ka pynthikna ba ka roi ka par ka dei ban long ha baroh 60 tylli ki Constituency

Shillong, Iaiong 19: U Symbud Myntri Rangbah ka Jylla bad MLA ka Nartiang u Bah Sniawbhalang Dhar ha ka sngi Saitjain, ula ong ba ka sorkar MDA hapoh ka jingialam u Myntri Rangbah u Conrad K Sangma ka pynthikna ba ka roi ka par kan long ha baroh ki 60 tylli ki Constituency kynthup ia kito kiba la mihkmat da ki MLA na ka Liang Pyrshah.

"Hapoh ka jingialam u Myntri Rangbah, ka sorkar MDA kala pyniar ia ka roi ka par ha baroh 60 tylli ki constituency. Ka dei tang kane ka sorkar kaba ialam da ka NPP, kaba la pyniar ia ki kam pynroi wat ha ki constituency kiba la mihkmat da ki MLA na ka Liang Pyrshah" ong u Bah Dhar ha ka jingplie ia ka projek kaba 100 Klur tyngka ha ka shngong Wahiajer, West Jaintia Hills District.

"Kam don wat tang kawe ki constituency kaba la shah ieh shadien. Ka sorkar kala wanrah bun bha ki kam pynroi

Bthah u DC ia ki nongiohkhaw rashon ban leh ia ka e-KYC

Nongpoh, Iaiong 18: Ka ophis u Deputy Comisioner ka Ri-Bhoi District kala pynmih iaka hukom ba baroh ki nongioh khaw rashon hapoh ka National Food Security Act (NFSA) ki dei ban pyndep iaka e-KYC (electronic-Know Your Customer) kynthup ia kito ki longiing kiba hap haka

Katba dang sum bad ki paralok, ngam jyllop u samla na Mawiongrim ha wah Umtrew



U samla bala ngam jyllop ha wah umtrew.

Nongpoh, Iaiong 19: Uweui u rangbah u la duh noh syndon iala ka jingim hadien ba u la ngam jyllop ha wah Umtrew, ha Ri-Bhoi District katba u dang leit jngi bad la ki paralok mynta ka step sngi u Blei.

Hadien ba la iasuk ki arliang mamla

Pynwai noh ka iingbisha HC ia ka mukotduma pyrshah ia ki 8 ngut ki KSU Mawkyrwat

Shillong, Iaiong 18 : Ka iing Bisha High Court jongka jylla ka la pynwai noh ia ka mukotduma iashoh iadat pyrshah ia ki 8 ngut ki dkhot ka KSU Mawkyrwat hadien ba ki arliang mamla ki la poi sha ka jingiasuk bad ia sngewthuh jingmut.

Ha ka hukom kaba la pynmih ha ka 15 tarik Iaiong ka Chief Justice Revati Mohite Dere ka la iohi ba la kyntu pynwai noh ia ka mukotduma halor ka nogrim ba ki arliang mamla kata uba ujur bad ki nongshah ujur ki la apoi sha ka jingiasngewthuh

Mynsaw ka longkmie ba shah shoh ha ki runar

Shillong, Iaiong 19: Ka khabor ba la ioh na ki pulit la iathuh ba ha ka 10 tarik mynta u bna, ki pulit ki la ioh jingtip ba ki don ki runar bym lah ban ithuh ki la shoh ia kawe ki longkmie kaba la 55 snem ka rta ha ka thain Mylliem (EKH). Halor kane ka jingjia katei ka lanot ka la mynsaw bad la pynkitnoh sha Civil Hospital Shillong.

Pyndam noh ka High Court ia ka mukotduma POCSSO hadien ba ki arngut ki la iathoh bad iohkhun uwei

Shillong, Iaiong 19 : Haba pyndam noh ia ka mukotduma POCSSO jong ki arngut ki shijur kiba la dep iathoh shongkurim bad ioh uwei u khun shynrang, ka iing Bisha High Court ba don burom jong ka jylla ka pynpaw ba ka jingpyndam noh ia kane ka mukotduma ka long hadien ba la lap ba kine ki shijur ki ia hap samla da ka jingiamynjur lang bad kumta kum ia kane ka jingjia hap ban da bisha bniah bha ban ioh sha ka jingbisha ba hok.

Kyntu u Archbishop iaki Rangbah ban shakri hok ia u Blei, ka Balang bad imlang sahlang

Da ki hajar ngut wan iashimbynta ha ka jingialang ba XVII ki Rangbah Katholik ha Nongpoh

Nongpoh, Iaiong 19: Ka jingiakynnduh lang jong ki Rangbah Balang Katholik ka la long kaba iphuh iphieng bad kaba shongkun shisha, ha kaba hajar ngut ki riwngait Katholik na ki 8 tylli ki zone kiba hap hapoh ka Shillong Archdiocese ki la wan ban ia

25 tarik ha Rambrai yn hiar pynithuh MP kyrtong ka VPP

Nongstoin, Iaiong 19: Ka Voice of the Peoples Party kan hiar biang sha West Khasi Hills ha ka taiew ban wan na ka bynta ban pynithuh ia u kyrtong sha ka bye Election MP. Kane ka la long hadien shi taiew tam hadien ba ka Party ka la hiar nyngkong eh ha Nongstoin ban pynithuh ia u kyrtong ba ka party ka la dep ban jied sha kane ka elekshon MP shieng samoi.

La ong ba ha katei ka sngi u kyrtong Dr Batskhem Myrboh un don lang ban pynithuh ialade hakhamt ki paidbha nongshong shong

Tuh ki runar ia ka thuk thuk, ka masi bad ki Solar Plate

Shillong, Iaiong 19: Shuh shuh ki pulit ki la iathuh ba u Bah Manbhalang Mawkhiew u la phah ka jingujor ba ha ka 10 tarik mynta u bna ha ka por kumba 5 baje mynstep, ki runar bym lah ban ithuh ki la tuh ia ka thuk thuk jong u kaba

Plie paidbah ka MLA Sutnga Saipung ia ka surok dewbilat ha Apha ba la shna lyngba ka skim DMF

Khliehriat iaiong 19: Ka MLA jong ka Sutnga Saipung ka kong Santa Mary Shylla hyn ha ka 18 tarik mynta u bna ka la plie paidbah ia ka surok dewbilat kaba ha ka dong Apha ha Umkiang East Jaintia Hills District bad ia kane ka surok la shna lyngba ka skim jong ka District Min-

Lada pyrshah ia ka projek kam jngohkai ha Lumpondeng ai noh sha Wahiajer ong u ma Sniawbhalang

Shillong, Iaiong 19: U Symbud Myntri Rangbah bad MLA ka Nartiang constituency u Bah Sniawbhalang Dhar, u la ong ba ka Wahiajer kan pdiang sngewbha ia project ka tnat Tourism ha dewlynnong Lumpondeng lada ki nongiakhih ki dang ia bteng

Wan ki jingkylla ha kylleng ka Meghalaya hadien u 2018 ong u Dy CM

Shillong, Iaiong 19: U Symbud Myntri Rangbah ka Jylla ba khmih ia ka tnat PWD (Roads & Buildings) u Bah Prestone Tynsong ha ka sngi Saitjain, ula plie ia ki projek kiba la kynjoh palat 100 Klur tyngka ha ka shngong Wahiajer kaba pyni ki kam pynroi kiba la leh da ka sorkar MDA .

Ki projek kiba la plie ki kynthup ia ka jingte bad jingthna pynbha ia ka U.N Road, Pdein Mukhim, Sohphoh Mookabeng &

Shah sei tuh ka pisa ka longkmie na Bank Account

Shillong, Iaiong 19: Ka khabor ba la ioh na ki pulit la iathuh ba kawe ki longkmie kaba shong ba sah hapoh kawe ka dong kaba ha Sor Tura (WGH) ka la phah ka jingujor ba ha ka 14 tarik u bna Lber, 2026, ka la don ka jingshah sei tuh ka pisa kumba T. 7,000/- napoh ka bank account jong ka bad khlem da la ai bor satia da ma ka.

Kyrpad u MLA ka Khliehriat ban mang pisa ka sorkar na ka bynta ka skhim um ki 7 shngong

Shillong, Iaiong 19 : U MLA ka UDP na Khliehriat u Bah Kyrmen Shylla ha ka Sngi Thoehdieng, ula kyrpad ia ka Sorkar Jylla ba kan mynjur lem ia ka mang pisa na ka bynta ka skhim sam um ban lah weng ia ka jingkyrduh um ha ki 7 tylli ki shngong hapoh ka constituency jong u, haba pynpaw ba ki Khlieh Synshar Shngong ki la dep ban ithuh lypa ia ka tyllong um.

"Ngin sa leit jurip ia kine ki 7 tylli ki Shngong

Na ki Hotels ioh shibun ki khun samla ki ban iohkam hapoh ka jylla, ong u bah Prestone Tynsong

Jowai, Iaiong 19: U bah Prestone Tynsong uba dei u Symbud Myntri Rangbah ka sorkar jylla haba ai jingkren haka jingialang ban plie ia ki project ha Wahiajer, West Jaintia Hills District ha kabe ka sngi saijtjain, ula pynsngew

ka jingdon ki Hotels hapoh ka jylla kan iarap shibun eh ia ki khun samla trai jylla ban ioh kam ioh jam.

Shuh shuh ula pynsngew hapoh ka jingialam ka sorkar MDA la pyndep ia ki ar tylli

Dei ban shim ia ka lewduh kum ka kamra shetja bad ka pliang la jong, sumar khuid ia ka: Myntri

Shillong, Iaiong 19: Ka ophis U Syiem Hima Mylliem ka la pynkhuid ia ka lewduh ha ka Sngi U Blei bad kane ka dei ruh kaba ju leh manla u snem bad ha kane ka sngi la iohi ia ka jingiasim bynta jong kiba bun ban pynkhuid ia la ki jong ki basa.

Ha kane ka sngi na ka liang ki nongtrei ka Hima Mylliem ki la sdang ia ka jingpynkhuid ia baroh ki basa bad hadien ba la dep ban pynkhuid bad khat ia ki nuit



U Myntri, ki nongtrei Hima bad ki pulit F&ES ba pynkhuid lewduh.(Dur:Mawphor)

Tyngah u la ong ba kane ka jingpynkhuid ia ka lewduh kaba la leh khnang ha ka sngi U Blei ka long kaba donkam bha bad kadei ruh kaba la rai da ka Dorbar Hima.

U la iathuh ba ia ka jingpynkhuid ym ju leh satia ha ki Sngi pohia namar bun kiba im jakpoh, kiba ai ja, kiba bsa bad pynngang pynstad ia ki khun da kaba die jingdie, kumta la rai ban pynlong ha ka sngi U Blei.

Haba ong ia ki nongiew

SBI
State Bank of India
Central Recruitment & Promotion Department
Corporate Centre, Mumbai
Phone: 022-22820427

Recruitment of Specialist Cadre Officers on Contract Basis

Applications are invited from eligible Indian citizens for the following post on Contract basis:

Advertisement No.:	CRPD/SCO/2026-27/01 (Contractual position)	Age (As on 31.03.2026)	
		Min	Max
Group Chief Economic Advisor	1	55	62

Advertisement No.:	CRPD/SCO/2026-25/04 (Contractual position)	Age (As on 31.03.2026)	
		Min	Max
Lead Business Analyst	8	30	40

For eligibility criteria (age, experience, job profile etc.), vacancy details, requisite fees, other details and for online submission of application as well as online payment of application fees log on to Bank's website <https://sbi.bank.in/web/careers/current-openings>. Refer detailed advertisement to ensure eligibility and other details before applying and remitting fees. For any query, please write to us through link "CONTACT US" -> "Post Your Query" which is available on Bank's official website (<https://bank.sbi/web/careers/post-your-query>)

DATE FOR FILING ONLINE APPLICATION & PAYMENT OF FEES: FROM 13.04.2026 To 04.05.2026.

Place: Mumbai
Date: 13.04.2026
General Manager (RP & PM)

Lajan dap ar bnai naduh ba kyntiew ejahar ym pat kem ki pulit

Ba jrong kti leh kynshlein u runar ia ki dkhot met ba kyntang ka heprit ha ka thain West Khasi Hills

Nongstoin, Iaiong 19: Uwei u tymmen brier ba la palat 50 snem ka karta ba uba dei na ka thain West Khasi Hills District, u la leh kynshlein bad jrong kti ia ka heprit (ba la buhrieh kyrteng) kaba dang 11 snem ka karta na katei ka juh ka shngong.

Katkum ka jingiatuh jong u Kpa bad ka kmie ha u nongthoh khabor, la ong ba kane ka jingjia la jia naduh ka 9 tarik Rymphang 2026, ka sngi ha kaba ym shym la don brier ha iing namar ki leit iew sha Umdohlun.

La ong ba ka jingjia ka jia ha ka por kumba 3 baje ei ei

Tyrwa ticket BJP u Bah Hek ia u CS barim ban iakhun MP elekshon shieng samoi

Shillong, Iaiong 19: U nongialam ka BJP uba dei ruh u MLA ka Pynthorukmrah u bah AL Hek ha ka sngi saijtjain u la tyrwa tiket ia ka party sha u Chief Secretary barim ka jylla u bah Donald P Wahlang ban iakhun ia ka elekshon shieng samoi ka ban sa long

Dei ban don ka bhah ia ki samla ha ki elekshon ADC, Assembly bad Parliament, ong ka NCP

Shillong, Iaiong 19: Kum ka jingpyrshang ban pynkhlain biang ia la ka jong ka nongrim ha Meghalaya, ka Nationalist Congress Party (NCP) ka la phai khmat mynta sha ki jingeh jong ka jingkyrduh kam kyrduh jam da kaba ai ka jingkyrshah ia ka jingdonkam ka bhah jong ki samla ha ki elekshon ki Autonomous District Council (ADC).

U National President jong ka Nationalist Youth Congress (NYC), youth wing jong ka NCP, u Dheeraj Sharma uba don

4 tylli kiba la pyndep, 2 tylli ki ban sa pyntrei

6 tylli ki mawngongrim kiba la kot 170 klur la plie ha Wahiajer

Jowai, Iaiong 19: Ka ophis Executive Engineer PWD (Roads) Jowai Central Division, Jowai mynta ka sngi saijtjain 18 tarik u Iaiong 2026 kala pynlong ia ka jingialang ban plie paidbah ia ki 6 tylli ki mawngongrim kiba kynthup 4 tylli kiba la pyndep pyntrei bad 2 tylli ki

Jied nongkitkam shngong thymmai ka DS Mission Compound

Shillong, Iaiong 19 : Ka Dorbar Pylun jong ka Dorbar Shngong Mission Compound, Shillong -2 kaba long ha ka 2itarik Lber, 2026 ha Dorbar Hall Mission Compound, da kawe ka sur ki la jied ia u Rangbah Shngong bad ki Nongkitkam Shngong na ka bynta ka samoi treikam kaba lai snem.